

S' Baenkl

Ba unns aon Wooldsam schtaiht a Baenkl
daou rouha dh Summagäast gean aas.
Maochnse denn niat sua "laouse Flankl
a unvaschaamts Schpasettl draas!

Haoms naachts miet Faar higschlichn
ud aas Baenkl vullagschmieat.
Fei niat higschriebm "Frisch gestrichen"!
Döi Fräama setznse unschenieat.

Wöjnsees gmörkt haom woas schou zschpaat.
Mei, döi haomta vüllleicht gschriea.
Immazou im Kreis sens draht:
"Sen döi narrisch?" dänke mia.

Ich bi graod vabei daou kumma,
wöi dös graouß Maläa passieat.
Dh Oai haout glei sein Schtäckn gschwunga,
blaouß waalma dös haout inträssiäat.

Hobme imdraht ud bi gaonga.
Waollt doch blaouß behülffe saa.
Daou känntast diräkt a poa faoga
ud woa doch gaoua niat dhba ?